



Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 6. Fæcunditas terræ laboribus prouocanda.

[urn:nbn:de:hbz:466:1-52365](https://nbn-resolving.de/urn:nbn:de:hbz:466:1-52365)

ta egregie facta, graues ligones, vomeres ponderosos, boues saturos. Postea dixit: *Veneficia mea, Quirites, hæc sunt, nec possum vobis ostendere, aut in forum adducere, lucubrations meas, vigiliaq; & sudores. Omnia sententias absolutus itaq; est. Profecto, operâ, non impensâ, cultura constat. Et ideo maiores fertilissimum, in agro, oculum Domini dixerunt.*

§. VI.

Fœcunditas terra, laboribus pronocanda.
 Quæ quia ita sunt, se ipsum de pigritia accusat, qui quis accusat terræ sterilitatem.
 Non Creantis, sed villicantis culpa est, si ager nihil parit. Non est dignus metere, qui quis non dignatur seminare. Quid Paradisum exigis, homo, vnde exulas? quid terram, clamas, esse maledictam, qui benedictionem ipse repudias? qui ipse, si vis laborare, potes fœcundam facere? Nonne vides segetem? non intelligis abiecti in arua seminis vberem usuram? Seritur solummodo granum, sine folliculi veste, ait Tertullianus, sine fundamento spica, sine munimento aristæ, sine superbia culmi; exurgit autem copia feneratum, compagine adificatum, ordine structum, cultu minutum, & usquequag; vestitum. Neque hæc experientia est

hodier-

Tertullianus,
lian. lib.
de resurr.
carnis.
c. 12.

hodierna duntaxat. A condito orbe terra
gignit, & non fatigatur; dat, & nō exha-
ritur; expectat aratrum, vt ptæbeat fru-

S. Ambr. Etum. Denique, teste S. Ambrosio, fænera-
1.3. Hexa- tum restituit, quod acceperit, & usurarum ch-
ēm. c. 8. mulo multiplicatum. Homines sape decipiunt,

& ipsa fæneratorem suum sorte defraudant.
Terra fidelis manet. Et, si quando non soluerit;
si fortè aduersata fuerit, frigoris inclemens,
aut nimia siccitas, aut immensa vis imbrum,
alio anno, superioris anni damna compensat.
Ita & quando prouentus spem desituit agrico-
la, nihil terra delinquit; & quando arridet v-
bertas facundæ matris, se partus effundit, ut
nunquam ullum dispendium suo inferat credi-
tori. Nemo itaq; dicat, non esse se in Pa-
læstina; non habitare multos in terra Gessen;
nusquam extare amplius Paradisum.
Palæstina fieret etiam trans Iordanem, si
non deessent, qui vellent Iordanem indu-
cere irrigando; aut gnauâ operâ cultuque
terram Gessen facere. Deniq; multis vnius
jugeris fundus fit Paradisus, qui modico
contenti, ferunt laborem, & metunt bene-
dictionem.

§. VII.

Desidiosis merito deberi terram desidiosam.

Qui